



NEWSLETTER

OLIMPIJSKOG KOMITETA BiH



No.21, oktobar/novembar/decembar 2023



Dragi sportaši i sportski radnici,
Dragi prijatelji,

Za Olimpijsku porodicu Bosne i Hercegovine, 2023. godina je bila u znaku 30. obljetnice postojanja Olimpijskog odbora Bosne i Hercegovine. Nakon realizacije mnogobrojnih projekata i inicijativa, godinu smo završili proslavom najboljih među najboljima - manifestacijom Izboru sportaša godine - koji je po 12. put nagradio najbolja i najznačajnija dostignuća naših sportaša i sportskih radnika. Naša olimpijka, najbolja bh. plivačica Lana Pudar zasluženno je ponijela titulu najbolje.

U proteklom periodu smo održali prvi, samim tim i povijesni Forum sportaša Olimpijskog odbora Bosne i Hercegovine, koji je okupio najbolje sadašnje i bivše vrhunške sportaše. Forum je bio izvanredna prilika da sportašima kroz edukaciju o bitnim temama, stavimo na dispoziciju resurse osmišljene da ojačaju vlastite performanse. Centralna ideja Foruma je ujedno i misija OO BiH - sustavno riješiti financiranje vrhunskog sporta u BiH. Okupljeni na jednom mjestu, sportaši Bosne i Hercegovine su poslali jasnu poruku bh. javnosti i donosiocima odluka da zajedno nastavljamo kontinuitet djelovanja po pitanju suštinskog problema vrhunskih sportaša u Bosni i Hercegovini - pitanju financiranja vrhunskog sporta. Pored mnogobrojnih projekata koje smo uspješno realizirali, posebno smo ponosni na broj stipendista u protekloj godini. Kroz programe Olimpijskih stipendija Ol Pariz 2024, ZOI Milano Cortina 2026, Mlade olimpijske nade, Program+, grant YOG Gangwon 2024, podržali smo više od 40 vrhunskih sportaša na putu ka ostvarenju olimpijskih snova.

Dok se približavamo kraju još jedne godine obilježene značajnim rezultatima bh. sportaša, napomenimo da će 2023. godina biti zapamćena kao godina u kojoj smo obznanili ideju za domaćinstvo narednih zimskih Olimpijskih igara za mlade. Olimpijske igre za mlade bi po treći put vratile Olimpijski plamen u Bosnu i Hercegovinu. Na realizaciji ove značajne ideje ćemo nastaviti raditi u periodu koji je ispred nas.

Dragi sportaši, dragi treneri, dragi sportski radnici,
Koristim prigodu da se od srca zahvalim svakome od vas na neprocjenjivom doprinosu koji ste dali, te izuzetnoj posvećenosti koju ste pokazali tijekom 2023. godine. Olimpijski odbor BiH jedino zajedno sa svima vama može osnažiti, podstaknuti i ujediniti bh. sportsku zajednicu kako bismo se bolje zalagali za promjene i unaprijedili Olimpijski pokret BiH. U ime Olimpijske porodice Bosne i Hercegovine čestitam vam novogodišnje praznike, uz želju da u Novoj 2024. godini ispišemo sportsku povijest Bosne i Hercegovine na Olimpijskim igrama Pariz 2024!

Marijan Kvesić
Potpredsjednik OO BiH

PISMO PREDSEDNIKA MEĐUNARODNOG OLIMPIJSKOG KOMITETA

Sa zadovoljstvom vam predstavljamo pismo predsjednika Međunarodnog olimpijskog komiteta dr Thomas-a Bach-a u kojem potvrđuje odličan rad i visoki kredibilitet OK BiH na međunarodnom planu i u Olimpijskoj porodici svijeta.



Dr Izet Rađo, predsjednik
Olimpijski komitet Bosne i Hercegovine
Olimpijska dvorana Zetra Alipašina bb
71000 Sarajevo Bosna i Hercegovina

Lozana, 14. novembar 2023

Dear President,

Prije svega, nadam se da će vas ovo pismo zateći u dobrom zdravlju i raspoloženju.

Dozvolite mi da vam izrazim svoju zahvalnost za inspirativni video i knjigu nastalu u okviru proslave 30-ogodišnje prekretnice vašeg NOK-a ove godine. Oba ova djela lijepo prikazuju brojna dostignuća vašeg NOK-a, u rasponu od rekonstrukcije onoga što je danas poznato kao dvorana Juan Antonio Samaranch do ponovnog otvaranja Muzeja Zimskih olimpijskih igara u Sarajevu 2020. godine.

Video nas podsjeća na impresivnu organizaciju Zimskih olimpijskih igara Sarajevo 1984 kao i na uspjeh Evropskog olimpijskog festivala mladih 2019. u Sarajevu, koji služi kao vitalni simbol mira i dobija prestižnu nagradu za Diplomatsku akciju mira i sporta godine. Pored brojnih uspješnih i talentiranih sportista koji potiču iz vaše zemlje, takođe nam je zadovoljstvo prepoznati široku društvenu odgovornost koju preuzima vaš NOK, što je opširno prikazano u videu. MOK pohvaljuje vaše predane napore u promociji i očuvanju Olimpijskog pokreta u Bosni i Hercegovini. Budući da razumijemo vaš interes za istraživanje potencijala za održavanje Olimpijskih igara mladih u Sarajevu, željno očekujemo nastavak ovih razgovora s vama. Radujemo se što ćemo iduće godine zajedno sa vama proslaviti 40 godina od istorijskih Zimskih olimpijskih igara Sarajevo 1984.

Sve najbolje vam zelim, srdačno,

Yours sincerely

Thomas Bach

GENERALNA SKUPŠTINA EOK-A I NASTAVAK PODRŠKE IDEJI ORGANIZACIJE YOG-A U SARAJEVU (YOUTH OLYMPIC GAMES)



Predstavnici Olimpijskog komiteta BiH predsjednik akad. prof. dr Izet Rađo, potpredsjednici Marijan Kvesić i prof. dr Milanko Mučibabić, te generalni sekretar doc. dr Said Fazlagić, prisustvovali su Generalnoj skupštini Evropskih olimpijskih komiteta koja je održana od 06. do 08.10.2023. godine u Istanbulu.

Predstavnici OK BiH su tokom Generalne skupštine nastavili rad na ideji da se Sarajevo kandiduje za organizatora YOG-a, koja je dobila jednoglasnu podršku svih olimpijskih komiteta Evrope. Ideju je afirmirao Predsjednik EOK-a Spyros Capralos koji je sa saradnicima tokom prethodne posjete obišao olimpijska borilišta oko Sarajeva.

Čelnici OK BiH su iskoristili priliku da obave razgovor sa predsjednikom Međunarodnog olimpijskog komiteta dr Thomas-om Bach-om, koji je takođe podržao ideju da Sarajevo nastavi kontinuitet olimpijskog naslijeđa i olimpijskih događaja, od ZOI'84, preko odlično organizovanog EYOF-a do narednog YOG-a 2028 ili 2032. Više na linku [OVDJE](#).

PREDSJEDNIK MOK KOMISIJE ZA ZIMSKIH IZDANJA IGARA IZRAZIO PODRŠKU IDEJI YOG SARAJEVO



Nakon razgovora čelnika OK BiH sa Predsjednikom MOK-a dr. Tomasom Bachom, upriličen je sastanak sa Predsjednikom Olimpijskog komiteta Austrije i Predsjednikom MOK Komisije za zimska izdanja igara dr. Karlom Stossom.

Predsjednik dr. Stoss je izrazio veliko zadovoljstvo idejom o organizaciji YOG-a u Sarajevu u narednom periodu i

vraćanju olimpijskog plamena u glavni grad Bosne i Hercegovine.

Naglasio je da je potrebno definisati koncept organizacije koje bi bosanskohercegovački autoriteti i vlasti podržali u potpunosti. Takav dokument sa podrškom lokalne i šire BiH zajednice bi se trebao u pisanoj formi uputiti ka Predsjedniku MOK-a i YOG Komisiji MOK-a.



ODRŽAN 12. IZBOR SPORTISTE 2023. GODINE U ORGANIZACIJI OK BIH LANA PUDAR SPORTISTA 2023. GODINE



U svečanom ambijentu multimedijalne sale Olimpijskog komiteta BiH i uz direktan TV prenos na FACE TV, 14.12.2023. godine održana je 12. po redu manifestacija "Izbor sportiste godine" u organizaciji Olimpijskog komiteta Bosne i Hercegovine. Izbor sportiste 2023. godine održan je u prisustvu najeminentnijih lica bosanskohercegovačkog sporta i sportske javnosti. Lana Pudar je ponijela laskavu titulu najboljeg sportiste Bosne i Hercegovine u 2023. godini.

Lana Pudar: "Iza mene je jedna veoma uspješna godina i posebno mi je drago što mogu reći da održavam neki kontinuitet rezultata. Jedno veliko hvala Olimpijskom komitetu Bosne i Hercegovine, jer to je zaista jedna kuća koja je uvijek tu za mene, kojoj se uvijek mogu obratiti..."

Naša Lana je u 2023. godini osvojila 9 evropskih i svjetskih medalja od čega pet zlatnih, dvije srebrene i dvije bronzane medalje. Učestvovala je na 12 velikih finala, ostvarila dvije olimpijske norme za nastup na Olimpijskim igrama u Parizu 2024. godine, te postigla 6 rekorda, dva evropska juniorska rekorda, tri rekorda juniorskih prvenstava, jedan rekord svjetskih prvenstava i osvojila je pehar za najbolju plivačicu svjetskog juniorskog prvenstva. Zahvaljujući našoj sireni iz Mostara, himna Bosne i Hercegovine je postala uobičajena melodija na svim značajnijim plivačkim takmičenjima u Evropi i Svijetu. Više o Izboru kao i listu svih nagrađenih po kategorijama pročitajte na [OVOM LINKU](#).



Video prilog manifestacije Izbor sportiste 2023. godine pogledajte [OVDJE](#).

1. FORUM SPORTISTA BOSNE I HERCEGOVINE

SPORTISTI UJEDINJENI U BORBI ZA PRONALAZENJE SISTEMSKOG RJEŠENJA ZA FINANSIRANJE VRHUNSKOG BH. SPORTA



Forum sportista OK BiH je prvi događaj ove vrste koji je okupio bivše, sadašnje i buduće vrhunske sportiste u BiH, te je bio izvanredna prilika za razmjenu iskustava, informacija i ideja među sportistima i sportskim radnicima.

Uz pomoć kolega iz MOK-a koncipiran je edukativni program koji uključuje predavanja o društvenim mrežama i personalnim brendovima, mentalnom zdravlju sportista, nutricionizmu, motivaciji, MOK platformi Athlete 365 te drugim aktuelnim temama.

Posebni cilj Olimpijskog komiteta BiH je naglasiti poziciju sportista koji su središte Olimpijskog pokreta u Bosni i Hercegovini, kako bi donosioci odluka shvatili koje su realne potrebe sporta u BiH.

Forum sportista Olimpijskog komiteta Bosne i Hercegovine je u jednu ruku i nastavak kampanje Sistemskog finansiranja vrhunskog sporta u Bosni i Hercegovini kako bi se nastavio kontinuitet djelovanja po pitanju suštinskog problema vrhunskih sportista u Bosni i Hercegovini.

Više na linku [OVDJE](#).

OLIMPIJSKI KOMITET BIH PODRŽAO POTENCIJALNE I EVIDENTNE UČESNIKE YOG GANGWON 2024 SA 25.000 USD



Olimpijski komitet Bosne i Hercegovine je putem Programa Olimpijske solidarnosti za razvoj mladih sportista uspio obezbjediti sredstva za odlazak na kvalifikaciona takmičenja i trening kampove za Olimpijske igre mladih (YOG) „Gangwon 2024“.

Tim povodom je predsjednik OK BiH akad. prof. dr Izet Rađo zajedno sa predsjednikom Skijaškog saveza BiH Samirom Smajićem potpisao ugovor kojim se definišu prava i međusobne obaveze. Potpisivanju ugovora su prisustvovali potpredsjednici OK BiH Marijan Kvesić i prof. dr Milanko Mučibabić, te generalni sekretari Skijaškog saveza BiH Sanja Kusmuk i Saša Kurto. Grant od 25.000 USD koristi 9 mladih bosanskohercegovačkih sportista, evidentnih i potencijalnih učesnika YOG Gangwon 2024. Spisak učesnika kao i više o navedenom grantu pročitajte na [OVOM LINKU](#).

POTPISAN SPORAZUM O SARADNJI IZMEĐU OK BIH, MEĐUNARODNOG OLIMPIJSKOG KOMITETA I GRADA SARAJEVA



Prva sjednica Odbora za organizaciju obilježavanja 40. godišnjice Zimskih olimpijskih igara održanih u Sarajevu 1984. godine održana je 02. novembra. Sjednici su prisustvovali predsjednik Olimpijskog komiteta akad. prof. dr Izet Rađo i generalni sekretar, doc. dr Said Fazlagić.

Na osnovu odluke Izvršnog komiteta OK BiH, na prvoj sjednici, gradonačelnica Grada Sarajeva, dr Benjamina Karić i predsjednik Olimpijskog komiteta BiH, akad. prof. dr Izet Rađo, pristupili su potpisivanju Sporazuma o međusobnim pravima i obavezama između Grada Sarajeva, Međunarodnog olimpijskog komiteta i OK BiH u vezi obilježavanja 40. godišnjice Zimskih olimpijskih igara, kojim je ozvaničena saradnja Međunarodnog olimpijskog komiteta i Olimpijskog komiteta Bosne i Hercegovine sa Gradom Sarajevom za organizaciju obilježavanja 40. godišnjice Zimskih olimpijskih igara.

URUČENO PRIZNANJE BH TELECOMU, DUGOGODIŠNJEM PARTNERU OK BIH



Čelnici Olimpijskog komiteta BiH, predsjednik akad. prof. dr Izet Rađo, potpredsjednici gosp. Marijan Kvesić, prof. dr Milanko Mučibabić i generalni sekretar doc. dr Said Fazlagić posjetili su višedecenijskog partnera, BH Telecom, koji nesebično podržava sport i Olimpijski pokret u Bosni i Hercegovini. U ime BH Telecoma, delegaciju su primili Eldar Islamagić, v.d. izvršni direktor i Emir Višća, direktor Direkcije za promociju, prodaju i podršku.

Tokom jednočasovnog sastanka, predstavljen je ažuran rad i aktivnosti Olimpijskog komiteta BiH koji svih ovih godina ulaže napore za izgradnju i unaprjeđenje sportskog sistema Bosne i Hercegovine. Takođe, ovom prilikom je uručena Plaketa – priznanje BH Telecomu za doprinos i partnerstvo na zajedničkom putu ka unaprjeđenju i razvoju sportskog sistema. Ovim gestom OK BiH je iskazao zahvalnost BH Telecomu u ime krovne sportske institucije i svih sportista i sportskih saveza BiH na izuzetnoj višedecenijskoj saradnji, podršci i ulaganju u vrhunski sport i sportiste.

Tema razgovora bio je i nastavak uspješne zajedničke saradnje u predolimpijskom periodu i putu ka Olimpijskim igrama Pariz 2024.

bh

Moja priča.

bh

Moja priča.

bh

Moja priča.

PREDSJEDNIK OK BiH AKADEMIK IZET RAĐO POČASNI ČLAN ASOCIJACIJE SPORTSKIH LEGENDI I VETERANA NS



U prepunom amfiteatru Spensa, uz prisustvo mnogih olimpijaca i vrhunskih sportista, predsjednik Asocijacije sportskih legendi i veterana Novog Sada dr Jovan Pejčić uručio je predsjedniku OK BiH akademiku prof. dr Izetu Rađi plaketu počasnog člana Asocijacije.

Svečanosti je prisustvovao i predsjednik Olimpijskog komiteta Srbije, Božidar Maljković, a predsjednik OK BiH akad. Rađo je u svom kratkom obraćanju rekao: „Zahvalan sam na ovom laskavom priznanju.“

Posebno mi je drago da sam zajedno sa Rektorom Novosadskog univerziteta prof. dr Dejanom Madićem postao počasni član Asocijacije sportskih legendi i veterana Novog Sada, a posebno želim pozdraviti prof. dr Slavka Obadova od kojeg sam u svojoj džudo sportskoj karijeri mnogo naučio.“



Predsjednik Olimpijskog komiteta BiH akad. prof. dr Izet Rađo je prethodno na poziv dr Jovana Pejčića, predsjednika Upravnog odbora Saveza sportskih veterana Novog Sada, posjetio Kuću sportskih legendi Novog Sada. U razgovorima o iskustvima Asocijacije, kao jedine tog tipa u Srbiji i mogućnostima saradnje sa sportskim veteranima Bosne i Hercegovine, sastanku su prisustvovali Vasa Mijić, potpredsjednik UO, Slobodan Krneta, generalni sekretar i Dobrivoje Antičić, potpredsjednik UO i programski direktor.

POTPREDsjedNIK OK BIH PROF. DR MILANKO MUČIBABIĆ OSVOJIO ZLATNU MEDALJU NA SVJETSKOM DŽUDO PRVENSTVU ZA VETERANE



Na Svjetskom džudo prvenstvu za veterane koje je održano od 31.10. do 03.11.2023. godine u Abu Dabiju, potpredsjednik OK BiH prof. dr Milanko Mučibabić, višestruki evropski i svjetski veteranski šampion, osvojio je još jednu u nizu zlatnih medalja za Bosnu i Hercegovinu, što potvrđuje kontinuitet vrhunskih rezultata Potpredsjednika OK BiH u ovoj kategoriji.

Ranije ove godine osvojio je zlato za veterane na Evropskom prvenstvu u Sloveniji.

Prof. dr Mučibabić je nosilac majstorskog zvanja 9. DAN u džudou, što je najviše zvanje ovog olimpijskog sporta u Bosni i Hercegovini, ali i šire. Aktivno se bavi džudoom punih 58 godina kao sportista i sportski radnik. Na putu do 9. DAN-a majstorskog zvanja ostvario je izuzetne uspjehe kao takmičar, trener i sportski radnik.

Tokom zlatnog perioda sporta u bivšoj Jugoslaviji, osvojio je evropske i svjetske medalje kao takmičar i trener reprezentacije (1981, 1982, 1986. godine), a najtrofejniji je veteran džudo sporta Bosne i Hercegovine kao višestruki evropski i svjetski veteranski šampion (2010, 2013, 2016, 2017, 2019, 2022. i 2023. godine).

Potpredsjednik prof. dr Mučibabić kao dugogodišnji istaknuti sportista i sportski radnik svojim aktivnostima je primjer mladima da sport nema granica.

Ovom prilikom Internacionalna džudo federacija je uradila intervju sa potpredsjednikom OK BiH prof. dr Mučibabićem.

Intervju IJF-a sa Potpredsjednikom OK BiH možete pročitati na internet stranici Olimpijskog komiteta BiH na [ovom linku](#).



OLIMPIJSKI KOMITET BIH I OVE GODINE OBRADOVAO NAJMLAĐE NOVOGODIŠNJIM PAKETIĆIMA U TRAVNIKU, STOCU I SREBRENICI



Olimpijski komitet BiH kao društveno odgovorna organizacija u sklopu svoje novogodišnje humanitarne akcije, svake godine obrađuje naše mališane, što je učinio i ove godine sa 120 novogodišnjih paketića.

Ovim humanitarnim projektom, Olimpijski komitet BiH je nastavio sa tradicijom dodjele novogodišnjih paketića mališanima.

Prva dodjela paketića je bila upriličena sa članovima humanitarnog udruženja "Sreća za

sve" Travnik. Ovom prilikom su doc. dr Said Fazlagić, generalni sekretar OK BiH, doc. dr Dejana Planinčić, doc. dr Maja Đurić i Ema Habul uručili 40 paketića, na radost i sreću najmlađih.

Druga dodjela paketića je upriličena sa mališanima uzrasta od 1 do 3 godine u Stocu, gdje je Stručna služba OK BiH također uručila 40 paketića najmlađim članovima vrtića.



Za uspješan kraj još jedne godine osnovcima "Prve osnovne škole" Srebrenica takođe su dodijeljeni paketići koje su uručile uposlenica OK BiH Suada Ramić i trenerica u školi fudbala za djevojke i djevojčice Liljana Stjepanović.

Olimpijskom komitetu BiH je uvijek bilo veliko zadovoljstvo uveseljavati najmlađe, te će nastaviti ovu tradiciju dodjele novogodišnjih paketića, jer dječija sreća i osmijeh su najveća nagrada koju možemo dobiti.



SPORTSKI SAVEZI BOSNE I HERCEGOVINE


TAEKWONDO | PRIJEM OSVAJAČA MEDALJA



Predsjednik OK BiH akad. prof. dr Izet Rađo, potpredsjednici OK BiH Marijan Kvesić i prof. dr Milanko Mučibabić, te generalni sekretar OK BiH doc. dr Said Fazlagić, u prostorijama Olimpijskog komiteta BiH primili su taekwondo delegaciju povodom osvajanja medalja na Evropskom seniorskom prvenstvu u olimpijskim kategorijama, Evropskom juniorskom prvenstvu i Svjetskom kadetskom prvenstvu.

Tom prilikom predsjednik OK BiH akad. prof. dr Rađo je obavijestio da se na prijedlog članova Predsjedništva OK BiH dodjeljuju nagrade od 2.500 KM pojedinačno za osvojene bronzane medalje Ade Avdagić i Nadine Mehmedović na Evropskom seniorskom prvenstvu u olimpijskim kategorijama Tallin 2023, Estonija. Više na [ovom linku](#).

PREDSTAVNICI TAEKWONDO SAVEZA BOSNE I HERCEGOVINE U EVROPSKOJ TAEKWONDO FEDERACIJI



Predsjedavajući Predsjedništva TKDS BiH Samir Šarić i Glavni tajnik TKDS BiH Vedran Ćubela, imenovani su u komisije Evropske taekwondo federacije.

Predsjedavajući Predsjedništva TKDS BiH Samir Šarić imenovan je u "Komisiju Taekwondo za sve - TAEKWONDO FOR ALL COMMITTEE", dok je Glavni tajnik TKDS BiH Vedran Ćubela imenovan u "Komisiju za natjecanja - GAMES COMMITTEE".

"Ovo je veliko priznanje Evropske taekwondo federacije olimpijskom sportu i Taekwondo savezu BiH na povjerenju, koje smo stekli dugogodišnjim radom i suradnjom sa ETU. Zahvaljujemo se Evropskoj taekwondo federaciji i predsjedniku Sakisu Pragalosu na imenovanjima te se nadamo da ćemo isto opravdati daljnjom upornosti i ustrajnosti kao i do sada. Također čestitamo Samiru Šariću i Vedranu Ćubeli na ovom velikom priznanju, što je kruna njihovog dosadašnjeg angažmana na promociji taekwondo", izjavili su iz Taekwondo saveza Bosne i Hercegovine.

Čestitke Taekwondo savezu Bosne i Hercegovine!

ATLETSKI SAVEZ BIH ODRŽAO KURS ZA TRENERE, SUDIJE I DJEČIJU ATLETIKU



Atletski savez BiH je uspješno organizovao kurs za trenere, sudije i dječiju atletiku 17.12.2023. godine u prostorijama Fakulteta sporta i tjelesnog odgoja Univerziteta u Sarajevu. Kurs je okupio preko 140 polaznika iz cijele države, što je izvanredan odziv i pokazatelj velikog interesa za razvoj atletike u Bosni i Hercegovini.

Cilj ovog kursa bio je pružiti obuku i edukaciju trenerima i sudijama kako bi unaprijedili svoje vještine i znanja u području atletike. Također, poseban fokus bio je na dječijoj atletici, s ciljem promoviranja atletike među mladima i stvaranja temelja za buduće talente.

Kroz ovaj kurs, polaznici su imali priliku naučiti nove tehnike treninga, pravila takmičenja, procjenu rezultata i druge ključne aspekte atletike. Također, kroz praktične vježbe i radionice, polaznici su stekli praktično iskustvo i primijenili stečena znanja.

“Organizacija ovog kursa je izuzetno važna za razvoj atletike u Bosni i Hercegovini. Edukacijom trenera i sudija, osiguravamo kvalitetnu podršku našim atletičarima i stvaramo bolje uvjete za njihov napredak. Također, fokus na dječijoj atletici nam omogućava da otkrijemo i razvijemo buduće talente,” istakli su iz Atletskog saveza BiH.



SASTANAK OK BIH I DŽUDO SAVEZA BIH



Predsjednik Olimpijskog komiteta BiH akad. prof. dr Izet Rađo i generalni sekretar doc. dr Said Fazlagić primili su na radni sastanak predsjednika Džudo saveza BiH Ognjena Pavlovića i potpredsjednike prof. dr Branislava Crnogorca i Franja Zadra.

Sastanak je organizovan na inicijativu Džudo saveza BiH, a tema sastanka su bili zajednički projekti putem olimpijske solidarnosti, tehnički kurs za trenere i razvoj državne sportske strukture koji bi dodatno unaprijedili i ojačali strukturu džudo sporta u Bosni i Hercegovini.

BADMINTON KLUB SERTINI IZ DOBOJA U SARADNJI SA BADMINTON SAVEZOM BOSNE I HERCEGOVINE POKRENUO PROJEKT „BADMINTON ZA INKLUZIJU“



Projekat “Badminton za inkluziju” ima za cilj promoviranje inkluzije i unapređenje razvoja djece sa poteškoćama kroz sport, posebno kroz badminton. Projekat se fokusira na razvoj djece sa poteškoćama u motoričkom i socijalnom razvoju, pružajući im mogućnost da se uključe u aktivnosti koje doprinose njihovom fizičkom i emocionalnom zdravlju, samopouzdanju i samopoštovanju.

Nedostatak prilika za djecu sa poteškoćama u razvoju je veoma izražen u našem društvu jer su djeca sa poteškoćama često isključena iz sportskih aktivnosti koje su dostupne ostaloj djeci. Uključivanjem u sportske aktivnosti omogućilo bi se da kroz sport djeca razvijaju svoje fizičke i emocionalne sposobnosti te razviju socijalne vještine koje će dovesti do poboljšanja kvaliteta života općenito.

Iako je badminton vrhunski, profesionalni i olimpijski sport u realizaciji projekta je iskorištena širina koju badminton ima kao „Sport za sve“. Takmičarski badminton nudi ogroman prostor za sve, bez obzira na spol, godine, fizičku konstituciju, invaliditet, da se uključe u izuzetno zdrave fizičke aktivnosti koje doprinose poboljšanju kvaliteta života.

Sredstva za realizaciju projekta su dobijena putem donacija i BK “Sertini” i BSBiH izražavaju veliku zahvalnost svima onima koji su prepoznali vrijednost ovog projekta i nesebično ga podržali svojim sredstvima.

KARLING SAVEZ BIH NASTAVLJA VRIJEDNU SARADNJU SA KARLING FEDERACIJOM ŠVEDSKE



Na adresu Karling saveza Bosne i Hercegovine je stigla vrijedna donacija Karling federacije Švedske i CURLINGKLUBB „DANDERYDS“ iz Štokholma koja će biti podijeljena novim članovima u karling klubovima u Sarajevu i Istočnom Sarajevu. Saradnja ova dva saveza je uspostavljena na EU

Sport forumu, u Štokholmu u maju mjesecu ove godine.

„Veliku zahvalnost za ovu donaciju dugujemo gosp. Milanu Kneževiću, Sarajliji i prijatelju koji živi u Štokholmu, koji je povezao Karling federaciju Švedske i Karling savez Bosne i Hercegovine. Oprema je stigla u pravo vrijeme, jer već od decembra imamo postavljene tri staze za karling u Sarajevu - Ledena dvorana „Ice Solution“, Zetra, plato Skenderija i dvorana Skenderija (od februara), kao i u Istočnom Sarajevu na trgu pored nove sportske dvorane. Biće to sjajna prilika da veliki broj mladih (i starih) nauči ovu atraktivnu igru,“ ističu iz Karling saveza BiH.

SAVEZ KLIZAČKIH SPORTOVA BIH OBILJEŽIO SVJETSKI DAN KLIZANJA U SARAJEVU, TUZLI I BRČKOM



Svjetski dan klizanja – World Ice Skating Day (WISD) je globalni događaj koji je pokrenula Međunarodna klizačka unija (ISU) prošle godine, a održava se prvog vikenda u decembru.

Ove godine Svjetski dan klizanja obilježen je u 3 grada u Bosni i Hercegovini, u Sarajevu,

Tuzli i Brčkom. “Organizacija obilježavanja bila je u nepovoljnim uslovima uzrokovanim izuzetno visokim temperaturama za ovo doba godine koje je dovelo do topljenja ledene plohe na planirani dan održavanja. Zbog toga smo u Sarajevu bili primorani odgoditi proslavu za dan kasnije (ponedjeljak 4.12.), kao i djelimično izmijeniti program. U Tuzli i Brčkom program se odvijao u skladu sa planom. Dobra zabava nije izostala. Iskoristili smo priliku da dodatno edukujemo 3 mlada profesora sporta i upoznamo ih sa programom Learn To Skate kako bi mogli i nakon WISD nastaviti sa kursovima klizanja za djecu u Tuzli,“ istakli su iz Saveza klizačkih sportova Bosne i Hercegovine

WISD je iskorišten i za promociju programa Obilježavanja 40 godina Olimpijade u Sarajevu.

AKTIVNOSTI SAVEZA TAJLANDSKOG BOKSA BIH

Muaythai reprezentacija Bosne i Hercegovine po prvi put nastupila na službenom međunarodnom prvenstvu - Evropskom Seniorskom Elitnom Muaythai Prvenstvu, ANTALYA - TURSKA



Na Evropskom prvenstvu BiH je predstavljao reprezentativac Ernad Hanić koji je u prvom nastupu bio zaustavljen od iskusnog grčkog predstavnika.

Pored nastupa na Prvenstvu, odlazak tima je imao za cilj i važne sastanke koje su predstavnici Saveza tajlandskog boksa BiH održali sa Svjetskom muaythai asocijacijom IFMA i predsjednikom Turskog Muaythai saveza Hasanom Yildizom. Nakon takmičenja je održana Generalna skupština Evropske Muaythai federacije EMF na kojoj je prezentirana kandidatura Bosne i Hercegovine za domaćinstvo Mediteranskih Muaythai igara za 2024. godinu.

Predstavljen projekat pod imenom STAZAMA BOSANSKIH KRALJEVA



Savez tajlandskog boksa Bosne i Hercegovine je 09.12.2023. godine na XXVIII MEĐUNARODNOM MUAYTHAI KUPU "LUDVIG LUTKO PAVLOVIĆ 2023", održanom u gradu Ljubuškom, predstavio svoj prvi projekat pod imenom STAZAMA BOSANSKIH KRALJEVA.

Projekt je bio cjelovečernji i sastavljen od amaterskih i profesionalnih muaythai mečeva. U super fight meču bh. reprezentativca u teškoj kategoriji, Travničanina Muamera Jugovića i ukrajinsko-mađarskog borca Davida Mihajlova, slavio je Jugović jednoglasnom odlukom sudaca. U meču za prvog povijesnog profesionalnog prvaka Bosne i Hercegovine u muaythai sportu slavio je Mostarac Marin Čarapina, klasičnim nokautom protiv sarajlije Hasana Kačevića.

BH • TEAM

BRONZANA MEDALJA ZA LANU PUDAR NA EVROPSKOM PRVENSTVU U MALIM BAZENIMA



Lana Pudar je osvojila bronzanu medalju na Evropskom prvenstvu u malim bazenima u rumunskom Otopeniju u disciplini 200 metara delfin. Vrijeme 2:04.55 je ujedno i evropski juniorski rekord.

U disciplini 100 metara delfin Lana je zauzela 6. mjesto.

LARISA CERIĆ U OLIMPIJSKOJ NORMI, ALEKSANDRA SAMARDŽIĆ U KONTINENTALNOJ NORMI ZA OI PARIZ 2024

Na osnovu rezultata u tekućoj godini, najbolja džudistkinja Bosne i Hercegovine Larisa Cerić, izvjesno je putnik za Olimpijske igre Pariz 2024. Na Olimpijskoj ranking listi Larisa Cerić ima 1794 boda. Aleksandra Samardžić na Olimpijskoj ranking listi je osvojila 1154 boda, što je dovoljno za Kontinentalnu kvotu koja je takođe viza za Olimpijske igre Pariz 2024. U narednoj takmičarskoj sezoni ostaje da naše reprezentativke održe navedene pozicije, što je shodno njihovim rezultatima i formi izvjesno.

Larisa i Aleksandra su stipendistkinje OK BiH u programu OI Pariz 2024, te im ovim putem čestitamo i želimo sreću u narednoj sezoni i putu ka Olimpijskim igrama.



bh

Moja priča.

bh

Moja priča.

bh

Moja priča.

DŽEJLA MAKAŠ SENIORSKA VICEPRVAKINJA EVROPE



Džejla Makaš postala je seniorska viceprvakinja Evrope, na U21 Evropskom prvenstvu u taekwondou, koje je održano u Bukureštu u Rumuniji. Makaš je u prvoj borbi, rezultatom 2:0, savladala predstavnicu Njemačke, u narednoj borbi i predstavnicu Portugala identičnim rezultatom. U trećem kolu Džejla je savladala predstavnicu Mađarske, a u polufinalu je bila bolja od predstavnice Turske (2:1). U finalu je poražena od predstavnice Španije, čime je osvojila srebrnu medalju.

Uz Džejlu Makaš, sjajan nastup imale su i Marija Jokić i Amina Hrvat, koje su također bile blizu osvajanja medalja, ali nisu uspjele. Ipak, uprkos tome, ostvarile su zapažen rezultat.

LAURA KUJAČIĆ OSVOJILA EVROPSKU BRONZU ZA BIH NA EVROPSKOM KADETSKOM PRVENSTVU U BEOGRADU



Mlada bosanskohercegovačka taekwondoistkinja Laura Kujačić ostvarila je veliki uspjeh osvojivši bronzanu medalju na Evropskom kadetskom prvenstvu.

Evropsko kadetsko prvenstvo se održavalo u Beogradu, a Bosna i Hercegovine je učestvovala sa mnogobrojnim timom. BiH reprezentaciju u Srbiji predstavljalo je ukupno 20 takmičara, u muškoj i ženskoj konkurenciji uz pratnju trenera: Haris Husić, Mladen Ristić i Ki Hong Seung.

ADA AVDAGIĆ BRONZANA NA OLIMPIJSKOM BODOVNOM TURNIRU



Na olimpijskom bodovnom turniru “G1 Swedish Open 2023” koji je održan od 11-12. novembra u Uppsali (Švedska), takmičarka Taekwondo kluba Sarajevo Ada Avdagić, osvojila je bronzanu medalju u kategoriji seniorki do 53 kg.

U prvom kolu je pobijedila predstavnicu Norveške sa 2:0, u drugom je bila bolja od španjolske takmičarke takođe 2:0, dok je u polufinalu poražena od prve nositeljice na turniru od takmičarke iz Maroka rezultatom 2:0.

Ovim plasmanom osvojeni su novi bodovi za svjetsku i olimpijsku seniorsku rang listu na kojoj je Ada Avdagić trenutno na 51. mjestu (svjetska lista) odnosno 79. mjestu (olimpijska lista).

BOSNA I HERCEGOVINA PRVAK BALKANA, DRUGI PUT ZAREDOM



Nakon što je prošle godine Bosna i Hercegovina osvojila naslov prvaka Balkana, na Balkanskom prvenstvu u Albaniji, ove godine Taekwondo reprezentacija odbranila je naslov i po drugi put zaredom osvojila titulu prvaka Balkana.

Na 23. Balkanskom prvenstvu u taekwondou, koje se održalo u Sarajevu od 23 – 25.11.2023. godine, učestvovalo je preko 600 takmičara iz 11 zemalja, a Bosna i Hercegovina je u ukupnom poretku, iza sebe ostavila Tursku i Srbiju.

„Izuzetno smo ponosni na sve naše takmičare, koji su branili boje svojih klubova, ali i cijele Bosne i Hercegovine, koja se ima čime ponositi“, izjavili su iz Taekwondo saveza Bosne i Hercegovine.

BRONZA ZA BIH NA EVROPSKOM BOKSERSKOM PRVENSTVU U22

Na Evropskom bokserskom prvenstvu U22 za seniore koje je održano u Budvi od 10. do 20. novembra 2023. godine reprezentativac Bosne i Hercegovine, Dylan Raić, osvojio je bronzanu medalju u kategoriji +92kg.

Raić je do bronzanog odličja stigao pobjeđivši nokautom prošlogodišnjeg vicešampiona Evrope, Kirila Borisova (BUG), te u ranijem meču predstavnika Hrvatske Ćubić Iliju.



KADETSKI DŽUDO REPREZENTATIVCI BIH RAME UZ RAME SA EVROPOM

Kadetski džudo reprezentativci BiH su na Evropskim kupovima ostvarili izvanredne rezultate:

Evropski kup za kadete Riga, Latvija

Ivano Đinkić – 1. mjesto
Ivan Miličević – 1. mjesto

Evropski kup za kadete Koper, Slovenija

Ivano Đinkić – 1. mjesto
Dimitrije Savić – 1. mjesto
Ivan Miličević – 2. mjesto

Evropski kup za kadete Győr, Mađarska

Gabriela Raić – 3. mjesto



REZULTATI KIK BOKS REPREZENTACIJA

Kik boks takmičari proteklih mjeseci bilježe sjajne rezultate. Na Evropskom prvenstvu održanom u Istanbulu, na kojem je učestvovalo 2014 takmičara iz 38 država, kadetska i juniorska reprezentacija BiH je sa 35 takmičara uspjela osvojiti ukupno 11 medalja (2 zlatne, 3 srebrene i 6 bronzanih).

Zlatom su se okitili juniori:

1. Selimović Hassan junior u disciplini Low Kick do 81 kg
2. Brborović Aleksa junior u disciplini Kick Light do 89 kg

Srebrene medalje su osvojili:

1. Poturak Benjamin junior u disciplini K1 do 91 kg
2. Ranković Mihajlo junior u disciplini Full Contact do 75 kg
3. Merdan Allem junior u disciplini K1 do 75 kg

Bronzane medalje su osvojili:

1. Muminović Kanita juniorka u disciplini Low Kick do 60 kg
2. Maksimović Dragana juniorka u disciplini Low Kick preko 70 kg
3. Hebibović Nuh junior u disciplini K1 do 71 kg
4. Kodžo Minjav junior u disciplini Low Kick preko 81 kg
5. Malkoč Nedim junior u disciplini Kick Light do 79 kg
6. Čustović Dino kadet u disciplini Point Fighting do 32 kg

Reprezentaciju je predvodio selektor Milan Vitković, a treneri su bili Senad Ćatić, Rinaldo Pikoloti, Elvedin Dubravac, Veldin Halilović, Bećo Durdžić, Igor Grbić i Mersed Mulić, sa pomoćnim klubskim trenerima. Sudije iz Saveza su bili: Dragana Vitković, Neđo Bratić, Bojan Teletina i Šeherzad Zulić.

Pripreme za Evropsko prvenstvo su prethodno održane u Palama i Bihaću.



ČETIRI MEDALJE NA SVJETSKOM PRVENSTVU U PORTUGALU



Reprezentativci BiH u kik boks u seniorskoj konkurenciji su osvojili tri medalje i jednu u konkurenciji veterana na Svjetskom prvenstvu koje je održano u portugalskom gradu Albufeira od 16. do 25.11.2023.

1. mjesto, Svjetski prvak u kategoriji veterana iznad 94 kg, izborio je **Adnan Redžović**, savladavši Njemca Hofer Mikea, Hrvata Ivić Ivicu i u finalnoj borbi Austrijanca Dvornikovich Davida.

2. mjesto, srebrnu medalju osvojila je **Jasmina Merdić** koja se u finale plasirala pobjedom protiv Čehinje Mlejnikova Lucie, gdje je za titulu prvakinje Svijeta pobijeđena od predstavnice Srbije, Blagojević Lee.

3. mjesta, bronzane medalje su osvojili: **Alija Tucak**, kategorija iznad 91 kg u K1, koji je u kvalifikacijama savladao Monteiro Lucas Henriqua iz Brazila, ali je zaustavljen od Ukrajinca Shcherbatiuk Romana;

Dino Ružnić, kategorija do 74 kg u Light Contactu, 3 pobjede u kvalifikacijama protiv Moura Johnatan Vieira iz Brazila, protiv Poljaka Durma Adriana, Slovenca Zajec Simona, ali je u četvrtoj polufinalnoj borbi izgubio od Austrijanca Kassarnig Valentina.



HAMZA TURULJA PETI NA SVJETSKOM SENIORSKOM PRVENSTVU



Izvor tekst i foto: klix.ba

Meč za bronzanu medalju je izgubio od ruskog predstavnika koji se takmičio pod neutralnom zastavom.

Muška ekipa Bosne i Hercegovine u borbama je pobijedila reprezentacije Senegala 3:1, Kanade 3:0, Mađarske 3:0 i u meču za polufinale poražena od Francuske 3:2.

Od ostalih takmičara BiH plasman je ostvario Mahir Džuho sedmim mjestom nakon tri pobjede i dva poraza u kategoriji do 84 kilograma.

LIGA ZA MLADE - 11 MEDALJA ZA BIH KARATISTE

Na WKF (Svjetska karate federacija) Ligi za mlade, koja je održana u Veneciji od 07. do 10.12.2023. godine, sudjelovalo je ukupno 4.130 karatista iz 81 zemlje.

11 takmičara iz Bosne i Hercegovine se proslavilo sa sljedećim medaljama:

Srebro: Sipović Nejra borbe U21 -55 kg, Sipović Emina borbe U21 -61 kg, Halilović Salih borbe U21 -84 kg, Šiljak Kenan borbe juniori -61 kg, Ajla Sipović borbe juniorke -66 kg, Pejić Luka borbe juniori -68 kg, Arnautović Ali borbe kadeti -70 kg, Mujić Vedad borbe kadeti -57 kg, Maleš Dominika borbe kadetkinje -61 kg

Bronza: Grabus Bakir borbe U21 -61 kg i Mušanović Faris borbe kadeti -63 kg.

Čestitamo svim karate takmičarima na ostvarenim rezultatima!



DVIJE MEDALJE ZA REPREZENTATIVCE BOSNE I HERCEGOVINE NA SVJETSKIM BORILAČKIM IGRAMA



Nikola Drobniak, reprezentativac Bosne i Hercegovine u kik boks, osvojio je srebrnu medalju na Svjetskim borilačkim igrama u Saudijskoj Arabiji. Drobniak je do medalje stigao u disciplini low kick – 81 kg.

Zajedno sa Drobniakom, kik boks tim Bosne i Hercegovine na ovom takmičenju je predstavljao njegov trener i selektor bh. reprezentacije Salko Zildžić.

Na ovim Igrama nastupio je i karatista Anes Bostandžić, koji je osvojio bronzanu medalju. Drobniak i Bostandžić su bili jedini predstavnici Bosne i Hercegovine na „World Combat Games 2023“ koje su održane od 20. do 30. oktobra u Rijadu. Na ovim igrama svaka kategorija limitirana je na osam takmičara, najboljih sa posljednjih svjetskih i kontinentalnih takmičenja ili rang listi federacija.

OSAM MEDALJA NA BALKANSKOM SAMBO PRVENSTVU

Balkansko sambo prvenstvo koje je okupilo veliki broj ljubitelja ovog sporta održano je u grčkom gradu Aminatio. Zemlje članice Balkanske Sambo Asocijacije su Turska, Grčka, Rumunjska, Bugarska, Crna Gora, Srbija, Moldavija, Bosna i Hercegovina, S. Makedonija i Albanija. Bosna i Hercegovina je i ovoga puta imala reprezentativce iz Sambo kluba Neretva Mostar koji su osvojili osam medalja:

Sarah Trebović: prvakinja Balkana (procadet) +65 kg, viceprvakinja Balkana (youth) -72 kg, treća na Balkanu (cadet) -72 kg.

Dragan-Paol Senkić: treći na Balkanu (cadet) -79 kg, treći na Balkanu (youth) -79 kg.

Nina Vukičević: treća na Balkanu (cadet) -65 kg.

Abdel Sawanda: treći na Balkanu (cadet) -88 kg.

Karlo Marić: treći na Balkanu (procadet) -54 kg.



SVJETSKI KUP MONTREAL | NASTUP TARIKA OMERAGIĆA



Seniorski reprezentativac Bosne i Hercegovine u brzom klizanju, Tarik Omeragić, nastupio je na dva Svjetska kupa koja su održana u Montrealu (Kanada) od 20 - 22.10 i 27 - 29.10.2023. godine.

Na prvom Svjetskom kupu, u konkurenciji 56 najboljih brzoklizača svijeta, Tarik je na 1500 m zauzeo 38. mjesto, dok je na drugom Svjetskom kupu u konkurenciji 58 najboljih seniora iz 29 zemalja u istoj disciplini završio utrku na 34. poziciji, a u disciplini 1000 m zauzeo je 39. mjesto.

Na utrkama Svjetskih kupova nastupili su najbolji svjetski brzoklizači i kandidati za nastup na ZOI.

„S obzirom na ostvareni napredak, ukoliko naš reprezentativac nastavi sa kvalitetnim radom i zalaganjem, možemo očekivati da se na kraju nađe među 33 najbolja brzoklizača svijeta i kroz kvalifikacije obezbijedi nastup na ZOI“, izjavili su iz Saveza klizačkih sportova BiH.

ODLIČAN POČETAK SEZONE ZA ERMINA RAŠČIĆA I NEDIMA MUZAFEROVIĆA

Juniorski reprezentativci Bosne i Hercegovine u brzom klizanju, Ermin Raščić i Nedim Muzaferović, nastupili su 14. i 15. oktobra na međunarodnim takmičenjima “Alpe Adria Trophy” u Zagrebu i na Trophee du Grand Lion-Belfort (Francuska).

Raščić je u Zagrebu imao odličan nastup i u konkurenciji 140 takmičara iz 9 zemalja zauzeo drugo mjesto i osvojio je srebrnu medalju, dok je Muzaferović u Lionu, u konkurenciji 161 takmičara, zauzeo 10. mjesto.



Raščić i Muzaferović su, pored dobrog nastupa, ostvarili zadanu normu definisanu pravilima Međunarodne klizačke unije (ISU) i Pravilnikom Saveza klizačkih sportova Bosne i Hercegovine i time obezbijedili nastup na Svjetskom prvenstvu u brzom klizanju u juniorskoj konkurenciji.

Savez je iskazao zadovoljstvo nastupom naših reprezentativaca, posebno kada se zna da je ovo prvo zvanično takmičenje i sami početak klizačke sezone.

EU PROJEKTI

SPORT AS VALUE | PREDSTAVNICI OK BIH PRISUSTVOVALI NA SEMINARU U ORGANIZACIJI ENGSO-A



Projekat „Sport kao vrijednost“ promoviše i integriše pozitivne vrijednosti sportskih aktivnosti unutar Balkana.

Početakom 2023. godine, projekat „Sport kao vrijednost“ koji finansira Erasmus+ pokrenuo je dvogodišnje putovanje u kojem su se zemlje iz regiona Balkana i Evropske unije udružile radi zajedničkog cilja: integrirati pozitivne vrijednosti u sportsku praksu i izgraditi jače zajednice kroz sport i promociju vrijednosti EU.

Predstavnici Olimpijskog komiteta Bosne i Hercegovine su u periodu od 12. do 14. oktobra boravili na konferenciji i sastanku partnera projekta Sport as Value u Lisabonu.

Tom prilikom predstavili su dobre prakse sporta u Bosni i Hercegovini te su prisustvovali na radionicama koje je organizovao ENGSO (THE EUROPEAN SPORTS NGO) pod nazivom “Jačanje sporta za jaču zajednicu”.

Također, predstavnici OK BiH su prisustvovali na predsjedničkom “High level meetingu” zajedno sa partnerima zapadnog Balkana vođenom od strane Predsjednika ENGSO na kojem je Olimpijskom komitetu Bosne i Hercegovine ponuđeno članstvo u ENGSO koje će otvoriti put za jačanje sporta i olimpijskih vrijednosti u Bosni i Hercegovini.



SPORT AS VALUE | PROJEKTI MENADŽMENT NIJE POSAO OD 9 DO 5

Olimpijski komitet Bosne i Hercegovine je bio domaćin drugog radnog sastanka u periodu od 19. do 22. novembra u sklopu Erasmus+ projekta Sport as Value koji ima za cilj integraciju pozitivnih vrijednosti u sportsku praksu i izgradnju jače zajednice kroz sport i promicanje EU vrijednosti.


Na trodnevnom radnom sastanku predstavnici ENGSO-a, OPES-a, EAS-a, Univerziteta u Prištini, Olimpijskog komiteta Kosova, Olimpijskog komiteta Albanije, Olimpijskog komiteta Crne Gore i Sportske konfederacije Portugala su imali priliku upoznati se sa dizajnom projektnih aplikacija kao i sa izazovima sa kojima se možemo susresti u projektnom menadžmentu.



Sastankom u Olimpijskom komitetu Bosne i Hercegovine, zatvoren je treći radni paket projekta čiji je glavni cilj bio povećanje kapaciteta sportskih menadžera, organizatora i volontera uz jačanje mreža kako u svom okruženju tako i širom Evrope. Olimpijski komitet Bosne i Hercegovine je prepoznat kao vrijedan i kredibilan partner na projektu Sport as Value koji je svojim znanjem i stručnošću dao doprinos sjajno organizovanom radnom sastanku. Pročitajte više na [ovom linku](#).



PREDSTAVNICI OK BIH PRISUSUTVOVALI LIDERSKOM TRENINGU U SKLOPU OCEAN PROJEKTA



Olimpijski komitet Bosne i Hercegovine sa timom olimpijske porodice (21) nastavlja edukacije u polju mjerenja karbonske neutralnosti i sprječavanja emisije štetnih gasova u budućnosti.

U mjesecu oktobru prisustvovali smo Treningu za lidere u sklopu Modula 2 kako bi zajedničkim radom stvorili put do održivog razvoja i karbonske neutralnosti!

Kroz dobro osmišljeni četvorosedmični program prisustvovali smo interaktivnim radionicama koje se tiču održivosti u sportu (izgradnja otpornosti); vještine upravljanja promjenama (mogućnosti izgradnje); vještine promjene kulture (izgradnja sigurnosti, uključivosti, osnaživanja); poslovni argumenti za održivost (vještine uključivanja sudionika). Malim koracima do velikih promjena!

UNAPREĐENJE ZNANJA EU PROJEKTOG TIMA OK BIH



OK BiH se odazvao pozivu Francuske ambasade u Bosni i Hercegovini na trosatnu radionicu o podizanju svijesti o klimatskim promjenama, tokom koje smo na kolaž imali priliku postaviti kartice „uzroka“ i „posljedica“ globalnog zagrijavanja, kako bi se stekla globalna vizija problema i uloga. Radionicu je vodila gospođa Ivana Kordić, certificirana koordinatorica za klimatski kolaž iz Zagreba.

Ovom prilikom Olimpijski komitet BiH je predstavio dio aktivnosti koje radi kroz projekat OCEAN gdje se kontinuirano edukujemo u polju mjerenja karbonske neutralnosti i sprječavanja emisije štetnih gasova u budućnosti.

“OCEAN” Erasmus+ projekt finansiran od strane EU, čiji je koordinator EOK - Evropski olimpijski komiteti.

PODKAST SA...

LANOM PUDAR

Sportistom 2023. godine u izboru OK BiH

Pogledajte interesantan razgovor o mnogobrojnim temama, koji je sa najboljom sportistkinjom 2023. godine, olimpijkom Lanom Pudar vodio generalni sekretar OK BiH doc. dr Said Fazlagić. Video razgovora možete pogledati [OVDJE](#) ili klikom na fotografiju.



PODKAST SA...

AMELOM TUKOM

Predsjednikom Komisije olimpijaca OK BiH

Pogledajte interesantan razgovor na temu sistemskog finansiranja vrhunskog sporta BiH i priprema za OI Pariz 2024 našeg najboljeg atletičara. Razgovor sa predsjednikom Komisije olimpijaca Amelom Tukom, vodio je generalni sekretar OK BiH doc. dr Said Fazlagić. Video razgovora možete pogledati [OVDJE](#) ili klikom na fotografiju.



PODKAST SA AMELOM TUKOM, PREDSEDNIKOM KOMISIJE OLIMPIJACA



ZAVIRITE U DRUŠTVENE MREŽE OK BIH (klikom na sliku)

#EU #Erasmus+ #EUCommision #sportsasvalue #olympicvalues

See insights and ads [Boost post](#)

Izbor sportiste godine 2023 u organizaciji Olimpijskog komiteta Bosne i Herceg... See more

See insights and ads [Boost post](#)

View insights [Boost post](#)

olimpijski_komitet_bih

TOP sponzori Međunarodnog olimpijskog komiteta

Olimpijski komitet Bosne i Hercegovine

OK BIH | PODCAST SA AMELOM TUKOM, PRE...
29 views • 1 day ago

OK BIH | PODCAST SA LANOM PUDAR, SPORT...
84 views • 6 days ago

NAJAVA | IZBOR SPORTISTE ZA 2023. GODL...
298 views • 2 weeks ago

Simpozijum "Zdravo starenje" | prof.emeritus Su...
118 views • 1 month ago

Simpozijum "Zdravo starenje" | akad. prof. dr. sc...
36 views • 1 month ago

Pratite nas na društvenim mrežama:
(klikom na ikone)



©2023. Olimpijski komitet Bosne i Hercegovine.
Sva prava zadržana.
www.okbih.ba

Specijalnu zahvalnost dugujemo sponzorima i partnerima OK BiH.
Klikom na logo posjetite njihove oficijelne stranice.

